

洞庭漁人續集序



楚禹貢沱潛雲夢之區導為三

為七澤而洞遶最著洞庭之間



芑秀負文武將相之畧以仕於朝不可

縷指數而以漁人窠著漁人漁千古之

業謨數百萬言手自校定西京許中丞

伯誠喬太僕景舛序而傳之而漢人物

之四十年仲子習孺世其學更校其
續集六數百萬言而屬鄒子序鄒子
曰蓋余尚論弘正之際而竊有嘆於文
章之道與世相汙隆也

國家文治顯融無踰

敬皇帝朝以及今茲而於時脩詩賦古
文詞北地信陽首樹壇幟是後康德涵

崔仲鳧鄭善夫薛君采楊用修諸君子
接武而起皆彬彬有聞則其時實風之矣
漁人自舞象從父觀察公遊京師、何仲
默而友諸君子聲應氣求耳目漸濡久
歸而中丞太僕先後督楚學并倡古文
宏獎切劘而業益就其緒餘以應制舉乎
乃其志意常在千古屢罷南宮輒去之

夫以漁人其材何愛不子崇鉅而棄若
敝屣不以易吾好獻吉詩主法漁人得
之故其詩有沉深莽宕頓挫抑揚能運
古而未嘗不規於古仲默詩主情漁人得
之故其詩有元本天倪縱橫物變即象
緣情而態度自溢康德涵之詩質渙人
得之故其詩有直舉骨髓氣質為體樸

厚有先進之遺揚用修之詩博渙人得之
故其詩多識旁采網佚蒐奇其材則六
經諸史以至諸子百氏稗官家乘無所不
采而其體則自三百篇以至屈宋漢魏六
朝近體無所不構仲鳧言雅善夫思澹
君采語邃漁人得之故其詩有法經植肯
繩古宗辭窮理極境而各擅其所長夫

文人相輕習貫若性即何與李名相高也
而持議不相下其徒各私其緒多敵國
然漁人兩相師而無相倚其材之籠蓋一
世而嚮往名流若從曠代之士而旦暮遇
之故能纒々洋洋成一家言足張楚矣雖
然漁人法得為縣官用而卒不用屈一時
以伸千古天下以此高之然而非漁人意

也古今推詩人之雄必曰杜少陵氏畢
平生之思悲歌感慨靡非詩者故嘗舉
進士不第已又獻三賦待制集賢故其
詩曰許身一何愚願以稷與契又曰文章
一小技于道未為尊則固不欲為詩人而
已也漁人名家子多習國家典故高才
盛氣藉令不托於無用而託於用其經濟

之業寧出諸君子下而僅以漁人名之漁人
僅以詩而已非其意也雖然謂漁人而不
盡于詩則可其揚隲漁人詩而右之作者
之林夫孰能溟滓焉仲之矣

萬曆丙申冬日年家子九畹居士鄒觀光撰

新安通家後學羅文瑞書



洞庭漁人傳

弇州山人吳郡王世貞撰

洞庭漁人者華容孫宜仲可也踰冠舉於鄉
凡五上而五困公車日罷不復應制而自以
家洞庭更號洞庭漁人人呼之漁人剿應它
呼之則不應而世貞嘗從吳舍人明卿所得
其集讀而異之以為古人邪古人吾何以不
識蓋二十餘季而後遊楚而悉之則漁人廼

今楚人而六死久矣漢人故岳名族其祖曰
處州公榮有子曰提學副使公繼芳提學公
二子長曰玉山公宗其仲為漢人漢人五歲
穎異讀書數行俱下稍長工屬文提學公為
兵部郎所師友何仲默崔仲鳧鄭善夫薛君
采楊用脩時相過從竒漢人而試之下筆萬
言立就而當是時漢人慕諸名士為古文辭
私已有所撰著矣甫十六歸試楚不利三年

提學關中許宗魯以漢人冠郡諸生或言漢
人能古文辭則又俾為古文辭益竒而其試
於楚且以為當冠楚諸生會誤携其初試目
格弗終試許君爭之不能得而又三季漢人
始舉於楚其名第稍後許君猶不懌曰豈此
瞽子眼中物邪當於公車辨之是時漢人業
破萬卷而氣豪視一第無足芥拾家世仕宦
又少從父游燕中所習聞國家掌故將相文

武之業甚詳抵掌而談今古毋能難者漁人
既久有名公卿間每試其文傳誦人人目攝
以為當上第及報落黜爭駭而咤歎以為無
天是時霍文敏公韜欲薦漁人什褐備兩制
弗果矣最後澳人罷試歸而道聞提學公訃
日夜奔馳哭踊兩目為損凡四載遇醫得神
方砭之復明澳人季三十有八而歎曰丈夫
安能齷齪老死轅下駒哉且夫能澹我者命

也能衡命者豕也蓋澳人所繇稱矣漁人既
有家世祿羨盡斥為園圃臺館亭榭之屬購
異書名画古器寶其中而竒卉恠木環之素
嗜酒乃益釀酒客來過從者毋問貴賤輒留
飲飲輒醉醉亦不問客所嚮而其遇佳辰夕
奉母兄從女弟蕪游蒼竹間怡怡如也漁人
間携從其子斯億及諸生黎學元劉世章輩
遊石門玄頂諸湖山勝地遇羽人緇流能飲

春即傾携釀共之漁人既自命漁又不為衣
冠時嘗與樊青釣童狎亾異也興至泚筆而
書所為詩竒逸飛動龍虬鬱盤已又自歌之
感激用壯節奏頽挫雲停石裂始恠以為貴
人或謫僂人矣漁人所著詩文為集前後六
十九卷西都集十卷遯言十七篇洞玄誌三
卷宋元史論二卷 明初略二卷岳州誌二
十卷所輯有孫氏日抄六十二卷王氏易七

卷天文書八十二卷 國朝事蹟百二十卷
永言錄十五卷其諸未成書者尤夥漁人固
挫名而不能盡閱其藏書諸方岳部使慕而
請見者漁人弗見也即迫之亦見見亦死所
報謝而諸公自以虛淫而飽歸念得見孫君
晚漁人時嘗為後進拾說經術藝文去而成
名者眾又好推轂士士以故多歸之漁人素
強無疾一夕卒得年僅五十漁人之卒也許

宗魯用中丞罷歸關中誌其墓而喬世寧為之表世寧亦關中人也有一子斯億斯傳俱能讀其父書斯億去為古文辭而斯傳舉於鄉斯億又為余言渙人未卒時其女弟數數感異夢有羽葆鼓吹符璽之祥惟渙人亦夢之幾以為僂太不死噫嘻渙人死矣吾為志其所以不死者可也

王子曰當渙人之在嘉靖時吾吳有黃勉之

氏云其人咸博學工文章弗肯久隸禮部而罷其所以云蓋能為不用而不能為小用者也夫以渙人之為隱何下彭澤令彭澤之聲實冠千古而君子猶窺其澂以為非忘世者何猷渙人哉迺其舒卷之際劇削感慨略用酒德以全其天馴黃氏固瞠乎後矣

新都晚學王之相頓首書

蘇軾知學王之師師首書

蘇軾以全其天機黃六固觀年效矣
阿熾寒人卷與其陪奉之期備備厚
實深千古而或于國其數必為非忘世
也夫以二人之德同不遠戰今道戰之
君之德以云卷其德不用而不相為小
用者
六云其人為其學立文華其首入轉
其德

洞連漁人續集卷之一

華容孫宜仲可著
濟南邢侗子愿選

古樂府

七夕詞二首

天河盈盈一水間黃姑織女東西判
秋高夜迥風露肅微雲掩映明星粲
年年七夕看渡河畫屏燭盡飄烟多
河空無梁不易涉羣飛鳥鵲將奈何
玉牕思婦深閨隙繡枕羅幃夢魂隻
嬌啼慘澹離思劇人間夜夜還茲夕

其二

夜久星移河漢流空庭廣院飛螢秋闌干宛轉零露
濕綺窓朱戶誰家樓穿針度線當牕杪章華女兒爭
乞巧年年乞巧常有人帝姥天孫祀筵繞絲綉繪幅
五尺長縱橫刺出雙鴛鴦燕京巧手生文章可憐此
夕高樓旁

虎欲噬人篇

虎欲噬人不避賢豪欲也逐逐厥中寔勞昏林蒼壑
繁蓬古蒿側形斂躬晝棲夜韜吁嗟令淑直弦徒操
坦心道周詎知彼遭

一解

誰謂此虎有角且翼百獸見之尚屏其跡穀弓聚矛
殄也宜亟不殄已夫又焉用畫皇皇昌辰而虎弗戢
吁嗟在位翼爲虎益

二解

彼虎之虺厥視耽耽彼賢之遭厥威孔覃好言遇之
謂言用探正言遇之謂言用慚匪已是疚而人是其
虎哉虎哉曷投有南

三解

虎之眈眈匪人弗畏賢之逡逡畏也孔異明明者神
於昭者帝人焉誰何帝是用記深山大澤爰震爰悸
有淵窅斯搖尾孰忌

四解

公無渡河

公無渡河河水風且波誰謂河廣一葦航之過河水
風且波千斛之舟將奈何我今欲渡心匪他後有虎
豺前干戈我思渡河一愬之端居帖席長嘯歌吁嗟
世路饒坎軻直豈盡枉盡訶薄言往愬逢彼怒多
不若停車繫馬須天晴和是非久自定勝負從來頗
徐觀靜俟萬靡一嗟吁嗟公無渡河

五言古詩

同諸子遊沱川言懷

圖史紛委填神情寡蕭散陽春既云改夏叙亦已宴
於焉挈朋侶偶此辭篇翰萋迷郭外遊浩蕩川上嘆

奔湍激飛雨積霧縈脩岸汀柳日搖漾渚竹風凌亂
飄飄獨逝雀杳杳孤鳴鶴綠蘿密崇澗白石影文瀾
遲回鼓枻唱緬邈同舟伴入海有去性浮河悅遐觀
維跡鮮所諧羈時詎能追驅馳北轅苦慘惻南山斫
薄俗駭喧逐遙踪信漂泛况茲抱疢疾寧爾堪憂患
終諧釣埜興允謝臨淵羨

寄贈喬大夫景叔

端居抱博悵日夕望大梁大梁望何難汜路阻且長
黃河東北流嵩嶽高蒼蒼佳人樹惠輝玉珮翩霞裳
朝游少室巔暮泛洪波旁我行往從之欲發川無航

豈不念孤飛翼短誰共翔攬彼貽贈篇煥爛錦績章
希音媿相許厚意緬莫忘君子重永懷詎爲臨路傷
何以寄所私願言翊休昌

園中新除畦圃作

邵生樂瓜田陶子酣東籬情殊各有適志在良自怡
越予倦塵鞅俛仰廿載期進取既所拙退耕遂不辭
睠茲新園中有地堪耘耔植槿代藩墻編竹園畛畸
茄瓜日時藝蔬苴隨意治膏雨藉春榮蔓實須夏滋
雖無十畝饒聊助三徑資客至任挽留鄰居足分推
惠風冀恒播甘澍願累施培護賴僕臧採折防頑癡

軒弁分已踈農圃性固宜荷鍾便往來策杖優扳携
蕭然町疇間高咏從此垂

園中新闢小齋成作

習隱廼城市臥疴卽巖丘水石環鬱紆軒欄俯深幽
曠觀固云得僻處垂所謀眷茲堂北隅爲我園西陬
盈尺寧再規方寸本夙番緝廬故亭接開檻新除週
巍構誠已慚苟美聊用求花樹備種蒔圖史便討讎
喧囂俗紛謝偏側猛巷伴覽泳况匪遐過從兼足酬
簪綬有殊性甕甃昭良籌志士慕遠舉鄙夫安自由
卑棲分棄置畏路隨阻脩終諧洞穴願允避塵沙游

夏日過周氏園

端坐苦束縛，筇居厭塵寥。蕭條江上園，迤邐墟中館。
薜蘿既蒙茂，水石亦嶮絕。緬挈侶偕過，從命駕矢游衍。
維時夏叙深，况此朝日展。鮮飈激微涼，溽暑庇層巘。
池蓮發稍滋，砌竇潘方淺。縈檻喜竹密，依亭摘蘭卷。
風枝雜鳴禽，雨徑被芳蘚。寓目諧所適，揮觴藉相遣。
已感神理契，復悅塵市遠。劇咏酬佳朋，高譚倚清讌。
披豁良爾奇，攀攀未云晚。華軒寄林薄，幽磴俯溪畎。
傾賞情久馳，來遊意徒腆。將此締夙盟，於何飫真欵。

園中月夕同友

溽暑方益播，炎蒸苦難遣。晨興思逾熾，晝坐歡莫展。
朱暘下廣陸，皓月啓層巘。嘯淒淒池風動，稍稍簷露泫。
煩歎既以滅，光景亦隨轉。纖雲擴霄麗，踈樹流輝滿。
城星映高閣，園霧飄清憶。水際荷始搖，石上葉亦卷。
空霏徑蘿密，蕭颭林竹偃。已感良宵媚，復藉同心緬。
挈觴暢幽懷，坐檻弛遐盼。披豁涼吹延，袒履芳流盥。
嘯歌聊共發，文翰且從遠。情以終夕紓，興待先秋歟。
於焉續佳吟，允爾偕深眷。

雨過簡謝道甫

空齋生晝陰，微雨送輕響。餘雷殷野際，返照明花上。

續集卷一
五
淒淒苑色靜泯泯池波長簷風洒獨夜連露霑虛幌
星搖濕雲動水接明河朗病暍慨鬱蒸貪遲悅蕭爽
萋菲薜蘿邃袒跣軒楹敞共坐懷往宵細吟念初賞
冶飈矧可挹澄景還難枉移尊擬過從解榻勞傾想
毋言避熱客且遂離煩鞅

夏日園中簡道甫

盛夏苦蘊熾端居謝文翰徘徊面曲沼徙倚耽幽觀
披軒涼飈流徹幕華月粲露草明遠砌風條欵崇幹
織雲曉泛漾微波晝紛亂逶迤蒼松徑宛轉白石岸
坐閱塵外景行遵圃中翫寒林藉葱鬱覓洞避炎燠

亭歡枕嗽近島喜登陟晏森爽卽崖壑曠達異城縣
晨憇午自移宵眠夜恒半娛賞旣已遂淹期未容筭
夙疴幸乍脫羸質慨莫換反側纓綬求遄迴道途歎
莊情慕逍遙楚賦鳴悲惋將希協往志庶用辭深絆
獨處固云樂同心詎當判倘子偕所知駕言共游渙

咏所疊石山

肥遁恒在山大隱城市同興味苟不殊豈必耽遐蹤
昔余志隱淪臥疴茲困東雲霞鬱鬱松檜銜空櫳
雖取棲止安頗嘆覽陟窮爲山破俗况疊石開真容
峰巒像磊砢洞壑模玲瓏冶塔撐嶂端範亭俯崖中

卑篠護檀藥織樹排青葱崛詭具物理瓌奇訝人功
尊加古臺峙潤藉方池通登覽固靡堪瞻依亦云崇
策杖代野遊振衣快天風卽此咏崔嵬於何躡龍從

咏後疊石山

結隱道既諧愛山性徒會締構聊爾成瞻依頗云遂
嶢石俯澗曲方舟走湖際崛詭殊狀呈嶙嶒古苔被
念茲體質嘉詎遣園林棄陰岑我臺側窈窕叢篁萃
輦土勤畚鍤疊形表窮萃縈迴篠蕩繞掩映琅玕蔽
飾徑像紆徐攢峰侈瓌異尺樹盤矜娉寸亭倚蒼鬱
雖寡洞壑奇稍得崖巒意方廣疑可眺端嚴似堪對

幽思憑此舒遐蹤靡庸避但取神理協勿以標格類
偃仰茲園旁吾生竟奚奇

咏蓮

緝亭面脩圃纈檻憑方池風荷逮春播水萼當夏滋
質舒並頭秀花數絕域奇層沓本天成交錯疑人爲
含蕊簇丹容剖華紛翠枝樓扶紫芍密房疊朱榴垂
新香集泛濫芳藻叢葳蕤出水固自清隨波豈同緇
材殊愛由勝時至賞益宜物理寧久專造化無怕私
淒淒風雨合裊裊雲霞披旖旎嗟昔顏摧殘表今姿
榮曜靡終恃光寵忌太馳卽此明內觀因之寓深思

舟往左田別業經湖中瞻眺

屏跡久林栖謀生常墊耕春游事耔植秋往諏載成
嚴舟發昧旦理楫從始征逶迤汎曲汜浩渺瞻澄瀛
地遠波汎蕩天垂水空明星搖江漢流帆滌沅澧程
雲峰際森茫霞島浮輕清浦暗霧樹色洲響烟蘆聲
風亂嘯並逝沙鶴翔交鳴經阻乍歎側過村屢牽犂
潭晴魴鯉見岸圻鼃鼃驚涼飈晚瑟颯倒景寒淒盈
撫物懷既豁傷時緒彌纓稔遲入海興邈絕逾河情
垂釣感任公紉蘭悲屈生惻慘世路遠溷濁人事并
即此諧曠覽眷言悟嘉盟

往竹圻先堂行經石伏山中作

達賢有時止肥遯良自裁避世從山棲織廬遵渚隈
曩迹嘆久踈薄游偶茲來晨經石門衙夙轉江畔臺
仄磴垂蜿蜒歆峰抗崔嵬雲洞綴紫蘿風泉響丹崖
穿石篠蒙茂沿溪樹縈迴地暗霏霧合山空蟬鳥哀
朝霞壁端漾初日林際開瓌坳翠蘚被隱徑蒼茵羸
攀攀既委頓臨眺恒徘徊仰羨幽谷蘭俯瞰平埜菜
謀生計安遂淹陟情真諧淒迷畏途恨礪砢高逝懷
簪組素所厭巖壑寧當垂終期考槃咏永謝鳴世儕

壽內

生年不滿百孰無千歲憂戚戚廣宇間顧眄多所求
存亡旦暮殊取快良足謀嗟我未壯齡偕子爲好逑
雖在衽席歡而常慕靈脩旁觀對兒女中意能永休
青陽偶云謝白日亦以流容華轉側渝衰鬢何颺颺
媿非彭與佺詎遣金石伴殺餐列室隅燈燭明筵陬
主人致眉壽少長羅勸醕寧必絲竹音舉觴自成謳
繁星出原埜飛鶴淪江洲烹鮮益庖餼命酌同嘉饌
行樂貴及時况乃息愛投願得展嫵婉于茲永綢繆
團中咏紅梅作
凄候昨忽啓寒姿晚仍繼已詫景物零復取容色異

尺榦藉鬱盤叢枝裊柔麗吐萼爛廣庭錯藻輝深砌
霜披紫星豔雪絢丹霞細黯澹陋恒品鮮天盛芳意
揆節固云侈本性良所類發感菟園別看宜官閣諦
撫物眷新醪續朋益高會池風坼愈繁簷月明相媚
即此纈真賞期之賁幽歲

雨中簡謝子二首

江寒暮雲暗鳴雨朝更催竹色搖廣除松陰覆崇臺
久坐耽几筵細唵戀罇罍還思謝靈運騎馬能獨來

其二

開逕效蔣公爲園同顧疆頗憐竹蘿密兼得丘壑良

醉來獨清亭臥起玄石堂翛然一長嘯瑟瑟山雨涼

古咏十二首

古咏咏華容古跡也大夫謝公寓身旅宦馳志鄉園式假名工特揮妙手繪圖十景增美二科備揜翫擬歸遊焉洞庭子於是詩之篇終亦間述歸意

臺跡

章華臺楚靈王築

步出城西門遙望城東岑高臺鬱以孤宿草蔓其陰下有麋鹿游上多猿鳥音借言此臺誰靈也為眺臨雄圖竟瓦散霸轍俄煙沉歌鐘泯遺響獵騎埋侈心

跡存悵問訊代往傷追尋諒哉伍生諫千載垂國箴

嶺雲

即玄石山俗祀陳墨子今名墨山

玄墨當楚分荆巴屬維控歆流島岸疊峙堃崖巒共扶以鎮代崇名因古僊重嶺嶠雲自播天門日恒動鸞鬣晴暉映悠颺曙色弄為雨微賦辭降霖秘民用豐垂間井並潤藉桑麻衆明明黍稷篇萬境昭遺頌

溪渡

沱溪晉杜預鑿

繫昔當陽雋

杜預封當陽侯

勛圖重藩衛領鎮連荆襄開漕

轉梧桂事往赫簡編績成垂帶礪縣憑古渡口江接巍城際曠曠旭日旦擾擾崇朝濟解纜牽早暉行橈

破初霽舟稀到岸停民有涉川利請看杜公祠豐碑
煥遺記

峰雪

東山諸峰忠
宣劉公產此

連山逝北傲挺俊鍾南州千崖積薨萃萬壘雄阻脩
軋衡表巍觀跨岳環上游雲峰變吐納雪嶂明雕鏤
光疑玉華映勢訝銀河流淒迷洞口駕皎潔山陰舟
懷登羨往跡騁望垂素眸誓同臥表志行遂訪載遊

山翠

南山
邑南

昔君東籬下悠然見南山山當古城畔影落平湖灣
踈峰抗截律遠勢羅紆環明爭紫翠色妙出丹青顏

松檜益晚醲雲霞助朝殷空濛石磴露晡映金鑪閒
情高動眺望興在馳躋攀卷馬命杯觴擬此林壑間

橋漲

板橋
邑東

洞庭勢迴合浩渺滄瀛抗鉅浸溢南紀餘流委東向
溪分派自出岸古橋元傍野市環若城春波積為漲
闌干影噴薄洞穴穿搖漾繫艇防危繩馳驟駭驚浪
消息徵物理盈虛咲時狀喜愕俄以殊居然濯纓唱

村照

俗稱杏村
楚靈所植

炎靈昔游御游御臨江沱追歡咽簫管較舞填綺羅
芳窺納岸曲茂植憑山阿臺畱有蘭在村指遺杏多

參差錯夕暉明麗嬌春波斜光暗盡墮暝色含林過
盛來有衰理時去柰樂何新沾倘能續期此借漁歌

湖月 青湖邑東

烟湖接青草潦漲來赤砂湖風晚自颺山月秋能華
圓垂浩森際明啓清漣涯腫隴岸茝透泛澁洲蘭加
金波蕩轉側素魄淪欹斜扣舳悲夜央傾壘感時嘉
澄景元有滌高唸舊嘗誇載歌並舟曲行矣窮幽遐

路松 板橋驛路岳武穆植

寇忠感遺竹邵愛存甘棠事往猶頌傳跡陳愈輝煌
繫昔武穆雄南征歷五湘陸驅既走木水戰仍殲楊

經途慎標植矢志昭后皇雲濤泛未晝雨葉垂新涼
名占路人拜賦辯游客傷寄言觀風使剪伐非所當

亭址 本以赤沙湖得名亭赤松誤也姑因之

游仙謝炎漢辟穀嘉赤松九州焉所居續亭湘流東
亭當杳渺際臺出沈淪中迴波撼故址過艇瞻遺踪
苔荒鼎竈秘樹古猿鳥從驅馳感世軌倥傯悲塵容
防身在勇逝不賞皆駿功期茲渚蘋豆一薦酬高風

湖蓮 田湖城西南

選勝開昔疆憑高起茲縣城臨臺榭侈地繞江湖徧
芳蓮布成錦平波淨如練芬馥渚際合釀郁烟中見

採折群綺顏傾賞託華宴耶溪繆自播鑑浦寧當羨
淒淒寒露蕭瀟瀟瀟秋濤濺行矣將歸來無嗟逝容變

廟鶉

禹廟每致祀多
此土人利之

堯咨惛黎庶禹載窮山川九水既云導三江亦以平
神功永賴藉聖祀昭垂延精靈感物理格降視帝軒
奔奔致享際歷歷登歌前雲羅快時布土俗徵舊傳
射帟懷李隨逐兔思姚便結東南山阿聊茲畢餘年

秋日左田別業二首

別業當湖陰深居遠城隅丘園鬱掩映畝畝經環紉
二頃饒有秋一臥期停車俗駕聊爾淹同遊偶相於

維時西候涼百景皆所殊淒迷浦蓮折蕭颯林木疎
烟川下暝流露草淪荒墟遵渚逝鶴哀接徑寒蘆舒
感物貪並番傾觴喜同娛夙懷既云踐幽意良自知
眷戀崖壑間因之咏躑躅

其二

日暮江湖陰吾行矢言歸浮雲在廣川宿鳥群相依
前瞻石山隅積霧沉翠微倦茲林壑心惻愴誰能違
塵沙被遠道簪組垂夙期羈縻舊遊隔偃仰高興稀
代馬長北鳴楚鴈淹南飛樂耕切尹懷釣野深渭希
棲遲固所尚榮曜何當祈寄傲終我諧溷俗寧世非

續集卷一
漾楫歸途中於馬誓忘機

左田別業懷李啓孝李曾依吳氏讀書此地

賢豪昔未遇肇迹皆芻蕘蒼龍戢其角雅志無丹青
繫君負奇尚自幼窮所遭扼時苦衆煦遯世崇孤標
名傳在門異德感進食饒下惟協董心煥彩偕周郊
宏樹方有期夙遊擬相招懷舊殊存亡傷今重悲切
躑躅資身地坎仄出險勞戀本負昔盟隆報垂貧交
巍阡盛松桂高塚餘草茅清絮情已醜經廬想徒昭
載歌綢繆咏落日荒田均

岳陽遊防江吳公行臺池亭作

纈軫眷娛適縻離淹追尋渚汎遵島曲樓窺俯城陰
嘯咏情既愜樞趨念彌深賓筵枉招致客禮叨肅欽
亭攬危構峙地借方池臨茁岸蘭茝秀開牕薜蘿侵
霜蘚被砌澁風樹當簷森臺古墮葉積沙寒浴鳧沉
傾暉曜崇宇折徑圖遠潯淪淫感廢舸敞達諧踈襟
登陟目不暇沿洄興難任跋履殊孟遊曳裾便鄒喩
簡性寡所煩幽懷憚相纓冠履負俗尚吐握昭往忱
儻侗三湘抱容與七澤心即此悟真賞于何戀華簪

寄尹氏四首

奕奕寰中士熒熒宛清揚與子一乖別萬里勞相望

豈無天北風河廣不易航歲叙儵以遷華髮明秋霜
人生異金石見面焉可常昔如雙飛鴈今也孤鳴凰
浮萍日夕流落葉東西翔前登匡廬峰雲霧何蒼蒼
安得有羽翰從子高頡頏

其二

端居抱離思念彼燕冀游少年盛意氣連篇富才猷
煌煌治平朝弔樹期亨休同心十載間翻覆多所憂
子爲雲霄鳳我爲江海鷗朝悽白石唵暮泛滄浪洲
微生等棄置要路艱阻修天門鬱岩堯叩之道何由
太息穹壤中撫已令涕流

其三

飄鴻西南來枉此尺素書開緘覲所親厚意何慙渠
愴別感歲年謀身重冠裾德音日遼邈友術良寂如
欽言味同心把之蘭臭俱飛潛理各適處見情有居
脩詞詎不文世也違其趨蛾眉衆易妬魚目羣相噓
行哉慎翱翔駿業期照予

其四

歲暮君何之誓將還故鄉故鄉重冠蓋白日明輝光
迢迢益門州多士紛材良返旆當有時纈交在不忘
方舟發彭蠡漾檝西沅湘經途地非隔取道明擬償

續集卷一
緬茲玄石山宮觀互相望緝廬事幽栖文史從所長
皎皎白駒嗟期之空谷旁

寄范氏

下和昔抱璧獻之荆連隅命工相厥形工曰頑璞俱
鎮寶多蔽藏俗情重嗟吁越予蘊詞華兩別暗路衢
含悲歷歲年定價俄須臾古來國士遇邂逅固有需
所貴樹引名厚意乃不渝傷哉感恩人淪落五漢居
勒助苦莫謂醜德將焉如少壯忽云邁老矣轅下駒
南瞻勾吳間飲恨徒踟躕

洞連漁人續集卷之二

華容孫宜仲可著
濟南邢侗子愿選

五言古詩

謝氏太和草堂十詠

啼鷺柳

纈隱眷渚宮園棲藉汀柳烟枝裊互合雨葉茂叢糾
目怡墮絮並耳感鳴鷺久即此諧出谷云何愜求友

春翠磯

五迴白石遠地借卅崖抱松檜絲截業雲霞益孤峭

行謹倚欄映坐展開閣眺長增謝監唵合認孫登嘯
秋燈閣

林居晚自卜學閣秋常啓赤瑄羅几筵青藜曜圖史
深研姬孔訓妙悟墳索旨新涼幸益敷夙志何當已
蓮香沼

開亭閨市敞闢沼隣郊觀露篠被叢脞風蓮沓紛亂
香飄複檻遠色助明波粲寧勞鑑浦憶允遂耶溪翫
蒲影池

芳沼既漭曠曲池亦環互青蒼水蒲合迤遞沙徑度
日移并剪工波認吳鈎誤長生暮九節傍爾餐晨露

鐘鼓榻

闌暑馳夜分初暉啓昕際逢逢譙拊送隱隱寺鳴繼
下榻警徐情炊梁占呂意夙興藉此寤待旦欣予勵
樓臺城

城高景并出邑古屋齊壯空濛觀閣起掩映雲霄傍
野眺萬戶間僊遊十洲上葛巾倚曲檻宛爾丹青幃
流水橋

湖經古壇接橋瞰深流構圻岸聯滙注平波漾奔湊
欄干車馬夕湍瀨鳧鷗晝散屨時一過清涼幸堪漱
斜夕道

樓園故城塊寓目脩衢地暝色含逝郵傾暉景馳騎
儲胥解體嘆軒組息肩計允矣悟世途胡令白駒逝

自墨頂諸峰入南亞山作

猿鳥咸知適昕昏寄幽嘯生平慕丘經何意滯塵寰
始攀墨頂遂因歷玄峰遠風聞南亞勝頗嘆東游晚
歎峰對凌峙抗嶺互連卷緣崖胃薜荔捫徑踐苔蘚
烟松犯霄合雲竹垂日偃登陟力既倦盤迴道猶嶮
深防虎兇遇寂詫魑魍混出谷覽僅夷步愿意方穩
幽探固云遂危蹟誠莫挽寄語山中入歲暮幸言友

仙鶴寺徧覽諸勝

來游戀奇勝去跡苦奔峭載經仙祗地始遂覽歷抱
琳宮繞萬嶂瑤閣便孤嘯園寢莽闌寂色相互明妙
池紉跡尚隱石古文自耀探棲遠師並陟社廬嶽肖
雲樓縹夜磬烟柵痕冬燒山有李公柵懷往盛惻愴尋奇
屢延調靜契壁間影謹同谿畔笑簪組稽世念津途
乍僧誚空虛逃禪意圓覺入定照五葉行菩提三花
且嵩少眷言高遯約允矣名山徼

咏石龍山泉以石磴瀉紅泉為韻五首

連峰倚蒼昊對嶺歆白石天矯垂瀑像蜿蜒躍雲迹
壁立源曷從崖斷流自坳即此諧泮渙于何嗽幽潔

其二

渙嶺縈霽烟懸坳下陰磴縱橫林杪練容與石間鏡
風恬響乍歇雲起流偏認載歌斫爛唵永遂蒙莊聽
烟泉夏始敷霜瀑冬逾瀉飛松助瑟颯濡篠沾淒灑
冰崖豎當徑雪澗凝在野盥掬良所同冷然翫游者

其三

其四

瑰竒洞芝紫旖旎崖桂紅風簾影並透雨沫香全融
聲怡瑄絃共興在亭觀同寄言樂游士危構宜虛空

其五

傾暉隱列岫闌賞憑飛泉光掇澗月動響逐巖飈傳
鞀鼗鼓鐘合宛轉琴瑟宣枕流結往眷俯壑懷高眠
過戴氏石渠草堂因憶石渠子

晨游訊往蹟暮宿偕茲堂含悽眷朋儔攬涕徒沾裳
繫昔共遙征驅車之北方遭迴燕關路慷慨易水章
道契絲往還心期念飛翔詎謂如斯人倏與朝露壤
流波盛頽逝遺跡虛存亡俯仰宿草丘瞻依臥雲堂
浮生竟安繫羸質庸可常曠達良有徵戚苦誰爲償
靜言悟至理長咲墟墓旁

夏日自竹圻至三封山舟經湖中望墨頂諸峰

南州盛炎熾東墅憑清幽逃暑翠竹林臥疴深澗流
始悅丘壑美中枉支遠求雲舫經森茫風帆逝夷猶
遵渚途乍迴歷村地俱浮溟濛岸勢盡曠濶湖景收
連峰峙紛糾接島羅網繆霞穿曙彩漾日麗朝暉留
平窺委蛇備突攬峻峭周陰晴氣易變隱見神屢投
映同山陰眺乘比海上遊猛俗性所嘆履空道焉侔
悠揚越人柁泛灩王子舟即此會真境於何澹煩憂

經三對廢寺

杪夏憇崖壑徒御苦昏墊經晨步墟址心跡雙眷戀
荒蕪磴蘿翳合杳圻竹徧風鈴響廢閣露草侵遺殿

簷窺祇樹改徑想曇花粲烈燹垂障劫名香斷清燕
空虛岳麓構愴惻瀛海變色豈遠公覩朋稀支遁見
升沉係前理成敗徵夙緣良遊藉此蹟勝事行當踐
尋師冀妙旨扣法懷真辯落日空山中悠然謝羈倦
自三對行經新店山中至竹圻作

縻棹眷渚濱返轡行山中山行非一事幽想安可窮
陟降異雲泥捫蹇咸竹松烟蘿嬾虧蔽雨瀑垂空濛
迴溪使徑阻疊石令崖重曠濶樵牧侶荒迷徒御蹤
仰聽猿鶴喧俯怯豺虎逢清虛理誠得寂寡興孰從
憇館辯途通過市忻墅通烹微墮野日森洒沿澗風

夕暉映玄頂涼月生墨峰居然遙夜唵颯爾衰顏翁
閒居於謝道甫周世卿伯子丘園日有過從紀

述四首用謝韻

避賢稷尚會矢志沔沔曲三獻詎所悲一壑良用足
本取林臥諧况迺朋觀續慇懃藉勝欵稠疊聆嘉沃
將期水石盟永共丘園躅

其二

川槐夏增蔭園禽春變鳴池塘草並色院閣松交聲
稽棲東山臥偃仰南陽耕有往抱獨感無悶懷苦行

謝靈運詩節往感不晤言扣冥寂遺世孚堅貞
淺又無悶微在今

其三

取廬選故址疊石凌飛泉竦獨楚士居辛勤越舟旋
機辭鴻鵠嫩患睹沔河消趨陪社飲列厠濫鄉敬前
輕塵契往嘆華髮偕逝年

其四

回車廬阜側遯蹟玄峰陽飄飄蘇門響鬱蒼成都桑
攀荆協燕樂撫棣殊徬徨情徧世終厭道阻文自光
允偕同氣棲詎擬良賈藏

七夕臨沔驛對月同周子

是時以文事爲郡大夫招延入岳

祗役偶迅厲偕舟暫羈維郵館對巖阿驛途遵渚湄

宵嚴令微蕭穗爽節乍隨涼月當戶昇纖雲被檐垂
連颺嘯幽響墻蟀鳴暗悲仰睇牛女謹俯感朋儔攜
揮觴謝吏顧却扇欣暑移羸軀久慵惰末伎怕支離
拙慚帝袞綴巧擬天孫祈綢繆負累札契合勞素知
撫物深眷戀淹程切驅馳旋歸諒可計賞詠誠未期
團圓失望夜皎潔須良時回檣固言獨挹景信以宜
含情寄交好豫此紬盟期

送李氏五首

行舟在城端送賓臨水隈朝發岳渚流夕次章華臺
朔風起蕭條轅馬鳴徘徊前願望燕京宮觀雄崔嵬

紫微翼帝列朱紱充遲來煌煌聖明朝撫運諏衆材
壯齡奉休光何意遠所懷染淚辭舊都祇謁中更偕
欣言睹昌期矢志遵良裁邁逢亮不易程簡當有諧
所貴慎敷納弘樹自此階

其二

紆綬游皇邑納交際承明俛仰寰宇間誰非夙所盟
作賦重鄒陽上書高賈生文酒偕謹期簪笏鮮異情
良時詎可常嘉會寧得纓悲風日夕來鴻鴈東南征
出守淹沅湘引領念帝局心知半淪沒榮遇多摧傾
茲行誓覲謁訪舊當有徵并沉豈乍見遲速非殊名

眷言慎素位旋歸履堅貞

其三

飲餞臨高臺含棲望冀都黃塵起西北旌旗蔽城隅
回瞻吳越間浩蕩溟海區六師殄殪罄九譯梯航殊
盛衰固有徵幾也良足虞清霜下原野慎爾堅冰除
詢策豈不先所貴朋者誅天門肅以重虎衛羅深居
雲師盛屏術日馭無旋驅濟濟中朝紳疇焉厥謨訐
心期密獻替允此戡定需

其四

曠土接千里悲風暮蕭蕭黃蒿莽榛穢白草委且彫

俯眎墟井中民生竟焉聊布褐寡完衣藜藿不終朝
借言此蒙誰自之東南驕徵兵絡繹來四塗遂寂寥
在近既不戢矧爾多壘遙行矣瞻去塵願茲返征輶
君子重康時母爲謝勤勞沉沉考槃居寄當西山椒
引領陽回辰恭期奠漁樵

其五

春風播原野覽睇多芬芳鶉鴉條以鳴衆草咸列霜
蘭蓀委中衢桂蠹華不敷亭亭蕢榮裊裊棘枳長
篋算豈易觀鴟鵂巢其旁樹德理固難植也樗與桑
良無柯斧資何以諧摧戕泰運行漸回賢者詎久藏

彙征藉上吉隆治期中昌堂堂伊夔業勿以叔世妨
膺情佇臨發矯首恒相望

春日病起池上作

抱疾幸稍蘇及辰偶茲同折徑蘇旣被園池樹交蒙
岸石布礪砢橋流影玲瓏戲藻閱魚出拳沙辯鷗從
潑滙溢文瀾悠颺馳惠風團團檻桂滋孃孃亭篠叢
容與具物理逍遙感塵蹤心怡海濱叟志在河上翁
簪組昧故性綸竿有餘棕垂釣緩時清乘桴甘術窮
卽此諧遯處眷言締幽衷

避暑沱西別業

五月霖雨積蒸雲鬱難開六月霽景舒炎歎麗崇臺

天風有時至四顧饒氛埃坐令多病人袒走徒號哀
城中萬樓閣避暑何能諧別業當水西孤亭倚湖隈
涼飈轉夷曠茂樹羅週迴杖策起清晨呼兒相與偕
几席臨森茫冠裳謝喧逐蕭然湖吹生秔稻香共回
前瞻鼎山頂雲氣朝滄霾赤日倏以陰行空想鳴雷
看史信手閱杯盤隨意來劇談值林叟爛醉沾村壘
昏黑廣野間披襟尚徘徊酣歌語僮僕歸騎無用催
送張子四首

涼飈浸以興夏叙尋亦周哀蟬響高枝大火西南流

賓客集渚濱子行具方舟問子當何之言訪勾吳遊
同讎迺中判驟別難久留浮萍去楚澤栖鳥辭江洲
虛名有纓繫薄祿多眷求矯矯空谷駒繫之計焉由
含棲望遠道揮泪懷良儔出門即他鄉况在天一陬
端居豈不貴張矢重所憂歲暮衣裳寒慎子葛與裘
其二
煌煌幽燕陌赫赫軒車輪冠蓋盛過從甲第干紫宸
訶鐘絡繹起譚辯縱橫嗽逢時纈明主投契居上賓
車馬帶履轍波浪生危津朝爲九陌遊夕也溝中塵
榮華靡常保富貴難久親哲夫慕恒素君子其沈淪

殉衛寧所卑守志自不倫莊生居漆園楊氏身賤貧
持議推逍遙著書發玄旻豈免俗人咲貴與達者論

其三

弱齡慕遠適矢志觀上都揚帆首七澤抽翰凌三吳
婉孌材雋地騫翻帝王圖鳳凰日表峙鳩鵲雲端扶
山廻六代館江接諸方艦越女明訶筵吳姬當酒鑪
追謹廣陌侶歛袂成均徒盛藻陸謝媿魏篇賈馬符
嘆息章甫偕傳誦橋門俱子行訊嘉麗努力宏所趨
桓桓舒城閣奕奕余公墟影風自南來寄我雙明珠

其四

盛衰理交代坦阻運互成崢嶸聖明朝奕葉開昇平
八蠻貢術踵四海驚濤清啓釁自疇爲勤此溟渤征
僵屍遠近被饋餉東南傾虺豺久越封饗餐行吳京
檄垂洞首倩智竭民旅徵廟謨孰云軫世路寧遽亨
羨子舒皖游安居共儒纓春融菁莪化肅穆絃誦聲
志士懷隱憂丈夫慕引名堂堂禦戎策勿以時所輕

中秋夜城南觀中同王子對月

涼景肅晚秋澄光麗嘉節夕望垂已盈宵分照逾澈
穿林識隱漏蒙靄詫明滅露慘壇羽驚飈嚴浦謳切
池流波同鑑園木響並徹撫物歲叙纓探幽友朋挈

理觴選樹杪綺席開簷岫玄旨諧悟論黃冠喜叅列
洞簫奏自啓石磬扣頻闕覲影傷墜移看輪紀圓缺
樓鐘遞遲晷城箭傳新刻節候翩易馳盟期劇難纈
謹緒誠莫量賞情詎當輟戀境兼虛空感時尤勝絕
將子晨旭游母云曙暉揭

往秋是夜鄉士未試也王子禹夫暨予子斯億

臨席有感於武昌之遊賦贈

藝院嚴晝局詞垣啓秋戰績紛多士集奕楚群儒薦
援觚吐風旨濡藻流雲譔露下槐宇涼天晴桂冕見
光含玉燭滿影奪瑤章絢姮宮想攀折奴寢懷登踐

道阻逢屢年時遠價終斂流波易歲叙逝晷殊鄉縣
圓景儵茲筵嘉辰猶昔彥觴增涕泗並髮數頭顛
阨路行爾夷亨衢竟焉眩繁習星宿在陟漢梯階便
永夜聞雞舞深秋鳴鹿讌徒知壯氣共詎遣豪遊倦
矢志良所期願言理篇翰

游以美謝太守池上作

扶瘵理行游維舟事招迎既諧墟中賞稍愜池上唵
水落洲溆出天空島嶼明竹蘿映搖盪松桂含凄清
浴鳧晚競隊啼鶴穩蕪聲戲藻來岸魚藏蘆起沙禽
亭邇蹊徑接觀幽鐘磬鳴披林曲几並渡醕蘭橈輕

臨眺信所謹泛漾聊足憑簪紱遠夙好江海勞深情
垂綸眷渭棲乘耒思龐耕遐蹤允一方鎮寶元累呈
蛟潛嘆濁流鴻舉期蒼旻願偕濠梁樂未潔漢渚纓

送周氏四首

晨登章華臺俯瞰沱水流賓客盡追隨送子東南遊
嚴霜墮四野落葉鳴深秋染淚辭密親行矣難久留
相計數載餘况乃天一陬願言慎服食毋使罹艱尤
飄鴻萬里來聽子伐木求

其二

送客城南門引領瞻勾吳鯨波溷越海羽檄馳燕都

徵兵國計罄饋餉民生痛周誼嘆殲歿漢策窮舳艫
勒勛貴及時努力諧所圖岩岩上帝京麟閣何尊孤
行茲樹休昌允爾名姓符

其三

少年盛意氣結誼咸俊良天門重遊歷雲漢諧飛翔
白日倏以流朱顏易彫傷謹聚理無數別離時未量
含悲立須臾轉盼行一方榮名豈恒恃富貴多所殃
皎皎空谷駒期歸仍食場

其四

戚戚去故里迢迢赴它鄉歲暮霜雪滋眷言理舟航

洪河盛波濤中路多豺狼携家詎云易行役非爾良
千金豈不重所願欽垂堂出門即嶮嶢臨別懷衣裳
慎子葛與裘尺書矢春陽

咏友人石山作

岩堯白石峰致爾南海濱滄波洗瑩徹碧蘚迴嶙峋
崖巒鬱相錯穴竇奇自嗽陰藏紫蟬古潤疊青螺真
密理類有爲織質喜不磷雨檻攢並嘉風池障疑新
叢蘭護磊砢細竹園崢嶸化羊感遺蹤得燕唾昔人
物以所好聚心緣相契珍眇睇情足偕摩挲往宜頻
狂希米氏同癖與牛公倫即此盟賞游因之礪堅真

明垂紫霞帔，豸袍眩映蒼雲軒。登堂共展衆嗣禮，繞膝莫辨諸孫名。遐齡上壽今聊計，耄耋還看七年倍。杖履飄翩翡翠裾，容顏煥爛黃金髻。歲歲蟠桃燕合頻，皇皇寵命沾應繼。却瞻崖桂望崖松，綠尊上客陪中琅。璆縹縹霓旌，集玉節，悠颺霧珮從病夫。藥物苦未謝，長歌爲致東山東。

騎驢翁行

病夫臥病荒城中，布袍短髮垂霜蓬。六年藥物苦未謝，三別道途甘自窮。黃塵白日關塞遠，東劍行欲隨飄風。商山紫芝春正發，病夫且作騎驢翁。

貞松篇寄贈喬母

差我五華東南峰，白日玄霧流空濛。幽森倏挺百尺桂，偃蹇更着孤崖松。憶松出地時，非久弱質風摧遷。如朽憔悴蒼鱗剥，豈堪披離翠葉擎。何有參霄隱日勢，莫遂怨鶴悲猿恨。常糾貞標勁節屹，自支直榦危柯方。逮茲雪霜幾添蘿，薦薦覆雷雨數送。蛟龍垂色纏苔蘚，古代黛積聲走波濤。哀壑隨人間，七十榮枯度海上。懸過大椿壽，纍實綿來棟宇勝。樛枝散出兒孫富，未辭斬伐質幸完。不露文章節逾固，即從巴岳望滇滇。溟雲霞掩映喬松青，扶持合儼神明力。拔特元資造

化靈敷天湛滅期後下王封帝護增姪娉

海鶴圖短歌壽王母

滄波萬里搥東溟中看礪硯烟島青飛來孤鶴自矯
捷仰叫赤日增姪娉波流無盡日初起弱水玄淵運
何已扶桑摧殘若木委此日此鶴還此水

還鶴亭歌

城屋有屋前也亭扁之何義稱獨清昨當誅茅偶戢
此更取別意垂新名憶初得鶴山翁惠增幽助勝吾
亭際雪質翩躑曲檻圍霜儀皎潔方除寄青田恍訝
雛類同赤壁虛評羽毛異自從惠此歲幾何三年嘔

蹇亭池阿丹頂崖鬼日教大玄毫脫落時漸多過客
城中走車馬齊心松下盟烟蘿層空萬里逝太急海
雲江鴈偕踪跡骨奇會厭群雞傳志在能忘九臯息
行經小圃饒咄嗟醉傍華軒倍孤寂人生得失恒所
關一觴三嘆曾自寬欣戚真推塞翁識飄飄果見遼
陽還西湖隱君苦好事東來贈我令舒顏開籠放之
物疑故繞榻看回喜逾素翎翮猶存繫縛勞雲霄尚
睨飛栖路野性馴調久益宜高鳴嘹唳聲常度旋擇
亭隈嘉樹林即除密葉留繁陰涼宵吸露剩涓滴赤
日託足便蔚岑懋渚還疏圃漲潘蓄魚更置園池罾

續集卷三
亭寒景空盛蕭爽皂帽芳尊每會往朝吟有伴情豈
孤夜坐相依興應長去家華表非窈冥放鶴亭前失
情悵我更還鶴名此居獨清之義元不殊泥沙溷濁
羽翼短滄洲玄圃清自如浮蹤世路行欲謝百年願
爾長友于

清眺圖短歌贈成子

洞連烟波春杳冥君山之樹何青青狂客舟航昨偶
繫高城樓閣時獨憑良工圖畫真堪狀水色天容兩
搖盪不用東歸憶此游滄溟只在茆堂上

園中雨坐簡謝子

疾風吹雲暗江縣江雨冥冥昨雷電簷前細竹垂更
折池底清波瀉仍濺丹楹映臺石齒碧草沾濡逕
蘿漫病夫強起還雀亭孤吟獨坐鮑林垆沿街淤泥
一尺深良友如子遲招迎豈不我思畏行路欲往從
之愁隔城即看雨歇風漸微南山出地鷗出飛提携
合尋紫筇杖顛倒寧藉青篔簹衣隣翁有酒初潑酷呼
兒取之俄叩扉三星爛夜月在戶與子一醉期無歸

石山磯望水歌

五月六月澍雨無炎風吹雲雲不敷暗地黃塵剩瀕
洞行天赤日催焦枯旱之太甚賦疆接民亦勞止筋

力痛昨當七月霖霖肆迅雷破梁雨隨至崇原陡澤
連注灌卑場場疇盡霑清有田詎蒙寸粒救在墊先
憂斗升計北風倒汙汙怒號西馳蜀峽翻洪濤如山
隄障拒莫勝疊岸土石增徒高此邦園院四十八須
史撼之無一牢我來俯視三嘆息繫馬還尋釣磯側
磯當衆水鬱纏抱徑轉危峰上孤特萬壑齊吹浩蕩
聲九川並漲迷汙色方輿黯慘愁更多清秋白晝行
蛟鼉猛舸群梢屋角度崩圩塊壓簷頭過彈丸僅覩
城郭在纖毫儵出島嶼羅衝波決隄隄愈縮濤下波
牽勢奔觸鉅澤橫潭牛馬隊平蕪徧掃禾麻屬翹颺

通宵避哭儉虺蛇鎮月蟠頽屋却看壞障餘蜿蜒中
流一線能幾全負鋤荷鋪寧爾及禱牲沉壁虛相度
細微不護且尋丈螻蟻之穴魚爲淵從來蓄患成非
偶人事天時召俱有叮咛胥吏勤版榦慎重春冬備
籠暈縣官督隄法漫峻使者奏旱書空走經時水殺
阡陌夷殘防斷埂何低垂流逋阨歲已莫救畚杵乘
時猶可爲岷峨雪瀨豈情義潦枯急塞無常隳

紫崖歌贈縣令曾君蕪以爲壽

豫章之鎮匡廬山下窺無極尊而間錦屏金闕距截
業飛泉瀑布羅潺湲滙池廣澤彭蠡浸控帶殊境荆

門環千峰欲盡雙崖起崖摩坤靈質元紫白日明開
綺繡濃朱霞眩綴丹青美危撐積鐵萬仞豎幻作浮
嵐四時徙紫崖子何年讀書深山旁蓀楣檜棟連葑
房垂髻出口中音律總角搥筆能文章鄉里先登煥
尺簡衣冠後進空渚墻東辭滕閣華筵列北上燕京
覽京陌失第劉蕢盛咄嗟藏珍卞璞勞棲息蹤蹟聊
偕鹿豕群形容暫飽烟霞色一韜三策兀五陳迷途
按劍逢世噴魚符捧試湘臯邑虎竹分携潞水津攀
翻禁闥戀日月照曜卽位階星辰自從枉牧荒臺畔
滿地桑麻頌聲冠強項真懷董生耻折腰每抱陶公

嘆肺腑纏綿舊隱牢瘡痍慘惻罷民徧紫崖子爾母
咏考槃歌亦毋效歸來行丈夫意氣在硯磊壯士勛
業瀕崢嶸身當四十未衰暮朝有圖畫思姓名縣堂
掛之紫崖障賀讌稱觴杳相向賦禱應呈岱嶽瞻弧
懸合慶松高降生人豈得孤屏翰篤祐兼期副模杖
山可爲谷崖可磨黃塵滄海曾揚波延紆國脉藉耆
艾拯措民命資賢番登堂再拜紫崖壽願言壽比茲
崖過

苦雨嘆

去年五月六月交火雲突兀風怒號疾雷不鳴迅電

城陂凶場地禾黍焦經旬炭感勢復逆南斗之側光
動搖此邦戶口一萬八無有一室無通逃東瞻沔漢
隣巴岳抱女携男日連絡斗米可以換牡丁孟飯其
心棄羸弱縱令粉黛爲奴僕豈免衣冠委溝壑衿裯
已竭牛馬罄匹布寧餘隻雞縛空村敗壁荆榛旁秋
高歲晏還雪霜猿啼虎嘯鬼夜哭百里之內多死亡
瘠疆墉畛間得種年麥半埜青煙長方春屈指待收
獲旱久適幸無螟蝗黑雲垂垂雨忽至白日杳杳光
仍避禾頭生耳事果然大麥小麥空遺穢蕨根掘盡
山雨濕深山何人更斯計君不見洞連之西星沙畔

賊舸翩翩走旌旄饑寒變化理則爾承平守戰誰曾
備古來禍亂皆可知即防此輩輕官吏

懷舊吟送朱生

君家高樓石城側大道馳迴冠都陌翠幌遙褰幕府
雲朱欄倒映秦淮月我初浩蕩淮門游揮觴數醉誰
家樓金龜狂客笑相解錦瑟佳人板並留往時豪興
今何有倏忽壯顏成白首萬事空傷楚澤蒲一罇更
憶吳姬酒南下孤帆夏水濱共遊年少喜逢君關河
已遂親知訪消息還令故舊聞遙收客散江亭晚風
雨僂舟送君返若遇淮清勸酒儔煩君傳語相思遠

自翁行簡以善謝太守

自翁解組東歸來經過數共茆堂杯鏡湖柳楊凡幾
樹春色早度章華臺豪游勝會期綿斜野醕隣酤喜
常有對面那知重隔別息肩尚自饒奔走平原遠下
先人居薄田儋石翁也廬昨當赤日爛照地騎馬問
訊西郊墟場吟崇疆剩憔悴輓輻弛之桔槔癯驅兒
旋假匠師手課僕聊爲斗升計龐公夫婦躬耕同白
頭冀缺禮敬隆千金五子不用散萬事一醉俄成空
黑雲在天城仍續起視田中僅優沃夜催絃誦城隅
齋曉步藜筇渚旁屋我時病臥園池間聞翁良苦衝

雨還披衣欲往行復坐潦倒未即偕歡顏人生渙聚
真如此巷南巷北徒爲爾兩鬢繁霜且共垂百年浮
蹟誰能艤烟涯霧曲翁初諧水閣沙亭吾舊開急湏
相約與翁去如何不飲令心哀嗚乎如何不飲令心
哀

燕京行八首

其一

燕京老人髮垂白少長誰曾識兵革千門日高睡方
起倚杖扶兒帝郊陌自胡之難老者蒙貽背相從任
驅迫力疲足酸行不逮引頸低頭飽攢戟平原大埜

古楊路安得堊之墳數尺一曲燕京行
悵悵無樂聲
其二

燕京小兒髮垂弁身如黃犢往來健
群行跨竹宮墻
街曉聚拋錢寺門院自胡之難少者蒙
骨肉支離覓
誰見牽衣頓足欄道哭強也累囚弱刀
箭九朝帝力
生養就何事俘充羯奴戰二曲燕京行
悵悵無樂聲

其三

燕京少婦深閨久結髮相隨重相守日
午明粧盛綺
羅春深刺繡臨牕牖自胡之難婦亦蒙
盡室從夫縛
爲虜蛾眉忍淚寧敢啼蟬鬢辭梳漸看
斜塞河水流

深十丈堆骨填屍半身首三曲燕京行
悵悵無樂聲
其四

燕京少女花如色少小嬌融薄筋力富
者閨房寡出
入貧家粉黛歡塗飾自胡之難女亦蒙
倉皇勃罕驅
之比玉環去手那自保毳帳回頭詎相
識陰山日暮
摧下營怨氣徹天天爲黑四曲燕京行
悵悵無樂聲
其五

燕京富家貲不筭吳越錦舟彌岸豪門
珠翠羅照
曜甲第歌鐘起謹宴自胡之難富者蒙
鎮寶藏珍幣
然散驂驕無力駱駝重塞路埋沙委之
半犬羊谿壑

那足啓慙去須防此曹慣五曲燕京行慘愴無樂聲

其六

燕京壯士防胡備歲給官糧坐官騎紅繒衲襖破更
換白馬雕鞍倒仍易自胡之難壯者蒙十二連營竟
誰恃教場鼓砲徒爾鳴堅壁旌旗但相視可憐飽食
良家子化作居庸野中崇六曲燕京行慘愴無樂聲

其七

燕京達官富才傑承平烽火諸邊絕腰金拖玉遇亦
榮報主危身志虛切自胡之難貴者蒙緩急臨時鮮
籌策尚書殞首中丞斃百口難從大迂說西市含冤

鬼夜哭陰風暗霧吹腥血七曲燕京行慘愴無樂聲

其八

燕京大將疾章控挿羽明貂寵輝動河塞全師幾斤
逐風雲再起俄收用自胡之難將愈尊朝進宮御暮
官俸吉囊俺荅何爾密獺帽狐裘任相送天威已行
國典正後來閫外憂方重八曲燕京行慘愴無樂聲

研西別業贈王翁

王翁卜隱居門徑臨右塘塘深地僻古岸又烟波十
頃秋迷茫憶翁蚤歲曾黌校黑髮青衿共英妙騰踏
期超冀北群淹留耻繫周南術櫝藏楚韞詎埋沒袖

有隋珠行照耀塵沙滿眼白日淪千金之價徒用嗽
驂騑不逢伯樂眎卞和數遇荆王嗔上書枉投太平
策歸臥甘作無懷民研溪邑渡黃洋湊荒蕪遺業聊
耕耨塍門冀缺敬本隆壠上龐公齒俱壽畢歎初嗟
俯仰難謀生漸覩資儲厚葛巾芒屨中徜徉憑幽巖
之孤草堂綸竿魚釣日與逝江海鷗機時自忘推尊
衆士比叔度感化頑俗同彥方魏宗遠代經今幾奕
葉繁枝自翁始赤霄聲譽二子奇紫芝眉骨諸孫美
當遶綵服歲並獻迎路籃輿暮常止孟秋颯沓涼颼
回我舟研西別墅來課收省歛付之僕有酒但願盈

罇壘高情偶辱長賢顧雅致還喜真翁陪村叢里籛
何精細埜醕隣酤味蕪倍見客兒孫禮並閑留人咲
語謹頻繼明星燦爛一水曲片月依微四更際翁今
六十髮未霜我年彊仕身真彊冠裳後代略能配饘
粥薄田差可償百年但取嘯咏足萬事寧過朋舊良
桑麻二頃盟當訂鵝鴨千群惱須聽返舫粗拚繾綣
遠傾壺暫遣醲芳釐歲歲茲辰督豎餘偕翁潦倒塘
邊興

題畫贈張子

西樵居士畫素精揮毫落紙人所神彭湖廬阜真迹

在就中寫此意更新天容麗服雙美人舞鸞之鏡秋
月輪已藉良工洗碧蘚却拈妙指誇朱唇興來再寫
長髯叟角巾拄杖偕其耦旁觀並視如有情琢重青
銅付工手刮磨定遣價十倍拭礪恍知心獨苦畫師
新意何所云畫成更贈張季鷹三山五嶽踪跡遍聞
君欲結吳松盟買妾期如鏡裏貌携妻擬效襄陽行
君不見水石容煙霞面鍊就丹砂駐必多搔餘綠髮
看無變他年覽鏡問兒童山中合副晷中願

洞連漁人續集卷之三終

洞連漁人續集卷之四

華容孫宜仲可著

七言古詩

濟南邢侗子愿選

雪鶴圖歌贈魏左使

玄冬蕭蕭北風作白日暗地蒼雲濶風展寒威積凍
花雪霾野徑迷孤鶴此雪還此鶴好手寧邊工登堂
儵相覩得之圖畫中異景殊姿信莫別冷然坐我瓊
瑤宮想當拂拭湖州絹頃刻經營滿煙霰碧艸連娟
翠苔蝕縞衣肅栗丹顛變沉淪落絮墮不飛脫略行
踪露堪辨又貌雪裏蕉半着晚石旁頗疑表安圖續

出關西王寒叢瑟颯氣候改枯葉慘淡顏色傷丹葩
朱實兩灼爍點綴復侶矜春陽苦心能事看應備作
者擅之真不易吾聞畫史賤物象要遣揮毫睹微意
茲圖比擬重清德有客曾爲此齋致此齋公是清溪
僊冰肌玉骨何條然人間謫定三萬日華表歸來五
十季素志曾期歲寒保令聞舊羨臯鳴傳江山握節
垂貞勁儀羽乘軒仰孤俊一曲陽春本自高群雞野
性元誰並環轍常懷洛城臥開籠數憶逋僊興霏霏
頃屬南征期蠻荆駭喉奔王師三苗炎瘴毒全掃萬
里琴書影共隨殄寇新傳蔡州縛蹈危詎有華亭悲

即今四海陽和歇楚甸湘臯凍尤烈獨秀那須避大
冬高飛未可耽幽節布暖應騰寒谷歡揚輝合使清
名揭披圖細把翫贈子雪鶴吟良工託物意總切蒼
生屬望情何深功成廊廟拂衣去跨驢携鶴會期見
子章江之岸鄱湖潯

月蝕行

前年月蝕蝕之半今年月蝕蝕幾暗更長漏永不易
復浮雲翳靄羅星粲園除鼓角中夜起繞署冠裳洽
晨見此時關塞俱杳冥下連北極清光停天子垂衣
重法象詞官載筆占空旻趨蹌盡建國師士祗懼誰

懷帝典刑即看次第冰輪顯萬景沉湮倏移轉伐鼓
馳未衆望醜憑軒眺罷幽情展零落殘胡路正迷流
輝莫遣天山滿

紀變行二首

仲夏之初彗星出光芒上拂微垣直勢平北斗齊動
搖仰眎中宵轉愁疾我聞彗德在掃除皇天此變當
不虛朝連清明海宇謐舊惡已盡新何祛奸雄爲謀
本難測群小暗進宜深虞君不見咸陽市中丞相誅
蔡門狡兔空嗟吁

其二

仲夏之終彗星出犯斗下之漸盈尺日淪已遠光未
移仰眎中宵轉愁疾我聞此變非虛陳弘治正德皆
有徵前星定位期尚杳天子萬壽當無垠茫茫上帝
本冥漠弭災脩德理或因君不見大風拔木沙晝昏
豹房房中收倖臣

九月十日登石磯山歌

昨當九日懷攀蘿騎馬欲行山雨多峰明霧歛地忽
霽攬眺節物仍相過是時秋高霜氣肅江草岸菊叅
差羅中年自訝筋力弱緣條捫棘步坎軻况當病起
雙目暗千崖萬壑昏烟摩旁看古塹宿莽徑近瞰方

臺叢樹柯問之樵翁更牧豎云是往跡今消磨吁嗟
世代等如此有酒不醉將奈何乃知沾衣落帽者向
來悲喜真殊科傾觴坐石發長嘯斜日在野行復歌
天風吹人且歸去明還拄杖青山阿

再同白王二子登石磯山留醉白氏草堂

荒臺迤西石山道貪追九日遊曾到高秋少值融爽
會令節翻增鬱悠抱千峰乍開登陟便折簡邀朋喜
相報王君並馬拉出城白也中路勞逢迎緣溪覓磴
詎知繞牽蘿胃棘乃得行烟迴林箐步始塞雨濕臺
揪山更陰憑虛俯之萬壑暗但覺汪水明如綫舟師

鼓舵雲際下漁父垂竿渚濱見湏臾狂風雨忽惡衣
皆沾清泥盡濺白日良苦湏成謹先驅入室謀盤餐
婦有斗酒索能應客當驟至供不難狂歌繼雜抵掌
咲爛醉仍遣傾壘看沈冥落日連雙嘯傍嶮銀鞍暫
湏返樹杪猿猱覩馬齊村中虎豹窺嶠滿病起偏妨
暝霧侵醉餘浪指歸途遠吁嗟人世真幾何方強漸
少衰漸多壯歲丹霄樗綵棄老年白髮霜同皤百憂
攢骨競銷鑠衆累縈心饒坎軻佳辰迅速頽波送嘯
遊往復憐君從盈壺濁醕慎勿辭過眼浮名欲安用
洛社香山自此盟皂袍接續登臨共

憶松

何年踰蹇雙青松，樛枝曲幹垂蛟龍。清秋漠漠風雲蔽，白晝冥冥雷雨從。兔絲女蘿日纏結，若木扶桑混顏色。縱有好手畫不得，山翁野客行嘆息。借問此古松種者，初何人。徐君之父手所親，十年結屋傍其下。朝遊暮憇常松陰，吟猿唳雀聲更徹。拉雪擎霜幾摧折，三徑清風不可扳。九京玄塚俄看列，寒風栗栗松蕭蕭。松今尚在人已遙，淚隨曉色孤烟送。愁與秋天一葉飄，君不見古松山前舊行地。啼鳥落日增垂涕，吁嗟此物胡爲至。長使徐君怨無既。

洞連湖遇方叔才贈歌

叔才巴陵人，今官臨洮守。予同年兄弟也，往遊建業，艤棹岳陽，薄言贈處，集不收載。閒居潤色，聊代新懷。

洞連日落煙如水，君山縹緲空中起。木葉蕭條愁遠人，蘭舟浩蕩逢君子。憶初獻賦楚王宮，懷珠抱璧余亦同。千金豈料收明月，萬里真看上碧空。鶴樓秋暮瑤杯動，鳧渚天晴錦帆重。繫舫還登弄蘧亭，憑欄已破懷鄉夢。風波慘惻寧可知，我也北首君東馳。燕城殿閣三都賦，冀闕煙花六代詞。賈生抱策思逢漢太

白多才世空羨王良伯樂不在馭驂騾裏誰能辨
青春放歌燕市中白日慘淡隨飄風三湘水石還家
並七澤雲山有夢通君理仙艇向南國我方濯足清
流側返棹初臨漢水東開帆偶遇荆門北塵埃冠蓋
誰爾期扁舟斗酒今何之鴈門杳杳憐飄泊牛渚迢
迢愴別離酒酣落日瀟湘潯天地溶溶月將吐傷心
萬里堪轉蓬拔劍三杯且歌舞待子洪流鼓舵來相
期更在清江浦

刺桐花行

用脩楊公寄贈滇稿有刺桐垂柳江干三詩

往予憂居已和二作惟刺桐遺焉今補成之
三詩效體王盧咸寓淪落摧殘意

用脩序曰刺桐花惟嶺南及滇中有之異物
志曰刺桐即蒼梧嶺南多此物因以名郡滇
中名鸚哥花花形酷似之開以夏秋之交

南紀滇南刺桐樹千株萬株映朝暮臨風焯灼搖紫
霞影日繽紛綴玄霧早秋遲夏瘴鄉天焯灼繽紛並
足憐紅喙故啣鸚喙淡丹顛元比鶴顛鮮昆明水綠
波齊照太華山青花欲燃玉桃眩奪仙洲核銀燭高
燒姹女筵蠻徼奇葩魁近產方輿異物志新編白露

霏霏歲將返盤薄芳林發猶偃質在寧隨緒景遷霜
寒詎怨佳辰晚朱英爛熳點蒼均翠羽叅差金碧巘
逐客何孤象譯區遊人莫鄙羊腸坂行臺畫省帶薇
垣列苑分曹各有軒崔嵬檠戟將軍第窈窕池亭學
士園繡幕總傳垂藻盛飛鳧遙想接枝繁堂近飄香
來戲蝶岸迴流影集文鶴招邀滿座知同羨羞澁傾
城未足言山畔豈勞歌屈桂澗中無用賦周繫可堪
光景逾多日積雪嚴飈委華實零落天容會塵土摧
殘絕豔終蓬華不見攀條倚樹人三嘆看君黯如失

獅崖陟眺歌

龍崖之旁千萬峰平地突出金芙蓉崖歆徑亙地轉
逼崛詭更有茲崖通叅差白石薜荔底裊娜丹泉梧
柱中冬十一月北風厲我來遊山偶斯際山僧野客
盡過從芒蓑綸巾夙儲備是時天明風稍靜苦霧濃
霏片時霽前峰更起衡岱間仰視白日霾層端游中
傳李興不慳捫蘿胃棘謹躋攀衆客心驚但惆悵二
子足力輕往還病夫抱病筋骨薄強食兒扶氣猶弱
騰身欲上輒傾倒拄杖將行屢前却褰窺紫嶂神總
搖偃息清流汗交作傳曰如此來意孤先驅別徑勞
相呼三步回頭五步坐良久乃得窮半途宿雲暮頂

望仍隔反照墮澗日且晡憑崖已遣心顏快俯臨下
土湘巴外巒迴壁複日間阻高低但覺浮烟在湏臾
眺罷客漸散山猿亂啼林葉旆側看草屋深山均溪
田石堰編竹橋雅疑僊源去咫尺恰有巖叟來招邀
開尊喜爲具杯羊送客直並辭蓬茅豪游勝事真憐
晚放歌落日將傳返昏黑行衝虎豹過沉寘路指樓
臺轉却倚青山戀故游題詩寄謝山翁遠

尋蹇公故居

龍崖之畔桃花山舊傳使宅青山間崖存宅廢後人
占至今游客勞躋攀我冬山游偶問此惆悵遺居草

茅底山堂盡廢石堰沒丈石雖畱幾移徙旁尋古爨
溜水槽溪聲涸竭泉源高家人餘瀝已莫競稚子長
竿徒用操吁嗟萬事多興替寧獨茲丘眼前異漢殿
唐宮揔寂寞習池峴井皆蕪翳停車落日千峰幽野
老柴門醉尚留却數榮枯談往代相看一咲虎谿頭
土兵行

高皇崛起淮泗區東收杭越南姑蘇國珍獻地士誠

縛垂衣坐定金陵都廊房千步待降計

方國珍約降帝設千步廊

房於金陵待之

溫慶萬艘防海圖

國珍獻溫台慶三郡即其樓船以防海

九葉

延綿事不改徼巡斥堠森如在鰲極鯨波盡入貢琉

續集卷四
球日本俱稱戴筐篚遙經渤海流兵戈間盜潢池內
鳴乎禍難憂時清螻蟻之穴尋丈成商船賈舶竟誰
透夷隙獸心從此生狡譎翻資我民誨縱橫直比平
地行頃者倭猖益難禦堅城大邑紛紛擄道遺玉帛
盛啗餌袖挺予鋌巧藏寓江南財賦浸已虧白下城
門倏然覩倏傳寇入嘉湖疆縣官棄印多奔亡尚書
削級中丞建有敕而廣徵徭徇倉皇詎曉習便利罷
憊止足塗鋒鏖青齊猛銳馳聲久燕冀親軍好身手
長驅擊刺或稍堪隘境超騰亦何有臨菑弩箭摧折
罄朔方健兒已授首飛符走檄辰溪瀆星火促報催

土兵洞蠻砦虜志剽掠一人倍出三人名移家僦室
沿路避百里之界車轍迎秣聞城外移城裏那得城
中更他徙倉餘米粟從所負厨有餽餐任之取賤携
僮僕貴貨賈小者雞犬肥羊豕豎旗鳴鼓宣慰來戒
侵禁掠安望哉衣冠上士被撻撲兒女中篝貽悲哀
白頭幾解識豺虎黃髮那遣趨塵埃嗚乎憑海寇狼
亢無用說此曹爲掃汛乃是增一賊椎牛犒酒亦徒
爾較害論誅竟焉別太平封守四境周此曹可恃亦
可憂君不見錢塘岸杭海陬夷兵島艦未卜收土兵
之載先盈舟

續集卷四
謝以善太守壽日短歌

前年獻壽南湖濱
霽烟寒日輝佳辰
今年獻壽若浦上
北風不動雲霞放
南湖壽社今幾何
稀齡七十行更多
願借仙翁金叵羅
年年醉獻南山歌

雪中歌五首

冬十一月雪不作
北風吹雲雲夜幕
經晨枕榻寒寔重
雪飛漫漫徧城郭
呼兒疾起溫我酒
散髮垢面且復酌
今年毒熱冬俄增
牛馬之崇聞漸生
小民豫防來歲用
病夫更抱先憂情
即看此雪行未止
沒堦覆檻寒相委
百畝應占黍稷事
三農免死溝渠裡
官錢

私負料可完數杯却放高歌起

其二

茅堂雪深深一尺
拂樹飄花勢隨結
我時過之寒凍烈
布衣麻鞋冷如鐵
堂前烏鵲群更飢
毛羽墮盡氣力微
弋人漁父多猜性
鴻鴈丁寧莫浪飛

其三

少年作客金陵遊
朔風吹雪迷孤舟
鳳凰臺邊且爲樂
千金一醉萬事休
秦淮橋對三山館
吳姬越女花應滿
朱樓縹緲凌日月
翠幙參差出歌管
就中意無唯我豪
瓊冠瑤佩青羅袍
金龜狂客咲自解
玉顏美

人慘不驕人生樂事寧常有短髮幽棲異吳楚寂寞
茅堂白雪中停杯更憶金陵酒

其四

西湖草堂湖水東綠蘿翠竹三徑通煙波白日長漠
漠漁父舟楫行相逢自從我向燕京去水鳥沙鷗共
延駐城外花殘客過時湖邊草長人行處春風飄飄
吹我還杜陵常曲興不慳昨當臥病今始愈欲往爭
奈初雪寒南鄰老人苦好事折簡馳書數相致床頭
美醞爾緩開明日天晴驕驢至

其五

城中飛雪夜不止江上行人多凍死布衾欲臥冷莫
禦燎薪對之共妻子嬌兒怒啼苦促眠縱惱忍即嗔
其顏床頭取酒床上酌杯乾燭盡漏欲闌嚴風猛雪
勢更寒停杯強睡不得安嗚乎不獨我睡不得安東
征壯士顏誰歡

玄石觀

石門墨山杳靄中禪堂道觀相望通山高境僻游鮮
到我時拄杖登陟同欹崖徑路出縹緲複洞苔蘚穿
玲瓏烟松雨檜誰所植曲榦危根掛之壁觀殿翻臨
萬樹頂壇幢却倒孤峰側風雲福地春自寒星斗天

門夜常逼下看礎砌深蟠迴巖栖古屋藤蘿隈僊人
羽駕宛轉過道士胡麻次第來醉後真疑爛柯界坐
餘更訪談經臺烟昏日落浮嵐遠直指瀟湘眺荆鄢
七澤飛花暮渺冥五湖掀浪晴舒卷長嘯懸知魍魎
避高歌欲踏虹蜺返回瞻吳越東海間黃塵黯慘滄
波翻旌旗恍搖日本國鼙鼓似震天台山病夫嘆世
心不淺側身有淚流潺湲

玄石山陳墨子祠

墨子無所攷祠當改祀
屈原見玄石山賦序

墨山崔嵬墨子宮祠宮墨西觀殿東千尋鰲背步歌
及萬樹龍鱗行鬱葱佳人香火日不厭游客衣冠春

喜同宮垣甃石週遭備祠屋蟠雲歲年易金碧端居
帝像尊丹青側坐王孫貴複寢婢媛並翬翟後連伉
儷翹珠翠旁看木版紛鐫垂有文具述陳事奇求僊
避地語或近飛昇白日傳多疑世人信耳賤信目締
章繡被何所稽我聞山曾楚疆域放流寓之屈原迹
鷺車乘駕予馬驟南也沅湘北玄石忠魂怨魄雖已
沈舊土遺鄉重堪惜百代儀容合表彰四時俎豆饒
芬芳褒忠釐誕舉非繆祀屈列陳義更長賢侯良守
吾屬望莫令奕世虛烝嘗

採菰行

採菰採之湖上田田中採種蓮池前白花翠葉紛絳
翻擎風裏露含朝烟田菰顛顛池也妍人生何事多
棄捐朱顏易遣殊壯年願爲此菰長君邊蟠泥十丈
根如拳霜摧雪被容色鮮

其二

洪濤拍天江水來赤日徧地禾苗菑千家萬家行哭
哀東疆西畛咸塵埃起坐無計中徘徊採菰挈之田
畔栽風搖日薄菰浸摧環圻護埂清渠開願菰十丈
凌崔嵬食菰歲遣齊氓偕

明山草堂歌

明山有草堂縹緲雲外孤面之天岳峰環者巴陵湖
赤沙杳漠千里盡蒼島峻嶒九壘扶旁瞻禹廟肅王
祀俯瞰章臺雄霸圖明公昔枉茲堂主麋鹿熊豕遊
皆侶湘娥窈窕倚竹立山鬼喑鳴學人語避世聊棲
楚嶠煙爲霖倏霽商巖雨東蒙作鎮聲具流西土分
藩政齊舉胡馬揚塵紫塞陞司徒轉餉黃河湄書奏
三邊荷褒借功成四序懷遷移高銜廩祿增加厚盛
代忠良際遇奇貌貅萬竄徧野頌車駕二疏行道知
歸來鄉國堂仍在坐臥烟霞情不改澤草朝同漁父
唼崖花暮挈幽人採闌瑤禍福變頃刻老臣憂思彌

年載鐵鎖俄馳極北宸金湯幸戍遼東海天高日遠
 悲荷戈雷收霆息風雲和孤蹤海徼出縲絏七袞堂
 隅還珮珂勝地桑麻輞川並嘉遊祓禊稽山多樹桂
 元諧子孫接栽槐竟遂冠弁羅自公歸臥年餘幾上
 壽遐齡偃耑比瞻仰常趨要路賢顧存獨枉中興禮
 岩穴秋深謝薜蘿星辰夜半攀箕尾舊姓流傳宦譜
 名豐碑照耀詞垣史洞連曲明山址喬木高林自茲
 始後代人應軾王里

冬日謁三神羅氏山堂作三神歌

岷峨之山星宿連千峰截業高蔽天風雲上護蒼莽

側洞壑遠關洪濛前崖崩石走峽壁立雷擊霆摧江
 倒懸山川偉赫藏瓌異列鎮番觀蜀中地日月還通
 劍閣輝波濤更浴瞿塘氣民物資之利澤普鬼神取
 此功能倍憶昔神也僊共遊承徵應檄來嘉州玄蛟
 為蓄吼白晝赤手提劍輕洪流澎衝自遣魍象絕頃
 刻驟致氛霾收妖恬害息身隨去蹤蹟巖栖詎知處
 跨馬時因運餉逢囊弓恍詫鳴騶遇唐封宋錫息數
 腆灌口清源廟祠著堪輿屢閱世代遷湘湖巴岳經
 流傳耕鋤乍啓石藏秘掩覆幸為農父全金身照耀
 土泥爛木質洗滌沉檀堅巖粧轉食鄉人奉續配司

難四方重札喪頻驅瘧疾遘旱乾每沐霖淹用朱旗
絳節填往來伐鼓吹笳盛迎送自從開國帝幾更九
朝十葉垂昇平氤氳香火歲不乏奔走冠蓋時相臨
雄篇舊枉台鼎筆累詠備誌儒紳名嗚乎神德優奇
顯夔楚衡巫會精遠報享牲牲合他日推崇俎豆應
殊典

天子萬年藉捍禦蒸黎四海蒙清晏冬遊謁神七女
岡角巾再拜虔趨蹌鸞車帝降風雨塞龍駕靈來霧
霧揚渚際瞻依盛渺渺祠前仰止何洋洋却倚瑤觥
乞維護還褰蕙帳舒衷悵野老心甘鹿豕群病夫興

在烟霞路高官自昔多殞越厚祿允今止尸素墨頂
千峰杳靄旁洞連九派波微茫騎驢願保筋骨健拄
杖無使頭顱霜布袍芒蓑百年內潁水箕山聊頡頏
秋晴園中戲作九言詩二首

青山澤國夜雨朝來晴小園亭閣雲物當秋清臨池
日映嬾娜紅渠掌倚檻風迴瀟颯翠竹聲久綠毒暑
時侵羸病客賸喜新涼初散多愁情懷人芳杜幽蘭
漸可拾葛巾草服擬賦江臯行

其二

自爲我園臥病今幾秋江花池竹每愛風物幽蒼雲

暮捲遙山雨還歇碧樹晴橫小閣烟乍浮隔水呼雛
野鶴自嘹亮傍軒將伴林鳥時啁啾不緣歲晚催人
百憂集釣竿落日擬弄西湖舟

洞連漁人續集卷之四終